



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio XVII.

urn:nbn:de:hbz:466:1-15653

papam, veraciter & bona fide, antequam procedamus ad publicationem electionis illius, procurabimus toto posse, habere ab eo permissionem & sufficientem securitatem, quod seruabit & implebit omnia & singula supradicta: & interim de lata sententia contra contententes, super eorum eiectione de papatu, sumus contenti, & ratum habemus, quod sede vacante Concilium continuetur, & quod in eo quantum commode fieri poterit, in dicta reformatione procedatur, & quod super hoc in proxima sessione alia sessio indicatur. Et fuit assignata alia sessio ad diem Iouis proximam, quæ erit 13. dicti mensis Iunii, ad prouidendum super aliquibus, quæ notoria videntur pro bono vnionis.

SESSIO XVII.

Dicta die Iouis adueniente, seruatis seruandis, patriarcha Alexandrinus cum aliis duobus patriarchis, videlicet Antiocheno & Hierosolymitano, ascendit pulpitem, & legit quamdam schedulam, cuius tenor sequitur, & est talis. Item quia huius pestiferi schismatis tempore, dominorum cardinalium in sacro Concilio existentium quidam sunt a diuisis olim per contententes de papatu creati, & nunc Deo dirigente procedendum est ad electionem vnici & indubitati summi pontificis; hoc sacrum Concilium vniuersalem ecclesiam repræsentans, consentit, disponit, & ordinat, quod ipsi sic a diuisis creati, ad electionem prædictam procedant, si & in quantum opus est hac vice, auctoritate huius sacri Concilii, nec per hoc potestati dominorum cardinalium circa electionem Romani pontificis intendit in aliquo derogare, nec aliquid innouare: sed hortatur omnes prædictos dominos cardinales, quod ipsi cum caritate ad electionem vnus pastoris procedant sic vnanimiter, quod de quacumque discordia scintilla notari non debeant.

SESSIO XVIII.

Die Veneris 14. mensis Iunii, anno Domini millesimo quadringentesimo nono, facta processione generali in ciuitate Pisana, in qua fuerunt domini cardinales, patriarchæ, archiepiscopi, abbates, doctores & totus clerus, & fuit Missa celebrata deuote per cardinalem de Thureyo,